

Ny Baiboly ho an'ny ankizy  
dia manolotra

Nasandratr'Andriamanitra

I Josefa,  
ilay  
Andevo



Nosoratan'i: Edward Hughes

Sarin'i: M. Maillot; Lazarus  
Alastair Paterson

Nampifanarahin'i: M. Maillot; Sarah S.

Nadikan'i: Mia Randria

Novokarin'i: Bible for Children  
[www.M1914.org](http://www.M1914.org)

©2022 Bible for Children, Inc.

Azo atao ny fandikana na fakana ity tantara ity  
nefa tsy ho amin'ny fitadiavam-bola.



Nalefan'i Potifara, tompony teo aloha, tany am-ponja, tamin'ny tsy rariny i Josefa. Nanao ny mpiandry sy nanampy tsara anefa i Josefa tany am-ponja. Nomen'ny tompon'andraikitra ny fonja andraikitra mba handamina ny fiainana tao am-ponja izy. Nihatsara kokoa ny fiainan'ny rehetra tao am-ponja satria Andriamanitra niaraka tamin'i Josefa.



Tao am-ponja ihany koa ny  
mpanao mofon'ny mpanjaka  
sy ny mpitazona kapoakany.  
Indray andro, nanontanian'i  
Josefa  
izy  
ireo  
hoe:

"Fa maninona ianareo  
no toa malaheloelo?"



"Tsy misy olona afaka manazava aminay ny dikan'ny nofinay", hoy izy ireo. "Andriamanitra afaka manao izany", hoy i Josefa,

"Lazao ahy hoe ny nofinareo!"




Hoy i Josefa tamin' ilay mpitazona ny kapoakan'ny mpanjaka: "Izao ny dikan'ny nofinao: afaka telo andro dia hiverina hahita fitiavana eo imason'ny Farao indray ianao. Tadidio aho amin'izay ary asaivo afahan'ny Farao aho."

Vaovao ratsy kosa nefa no tamin'ny nofin'ilay mpanao mofo. "Ho faty ianao afaka telo andro", hoy i Josefa. Samy tanteraka ireo nofy roa ireo.



Tsy tadidin'ilay mpitazona kapoaka anefa i Josefa raha tsy efa sahirana vao nifoha i Farao indray maraina.

Nitaraina izy hoe: "Nanonofy aho". Tsy nisy afaka nananazava ny dikan'ny



nofiny nefa na iray ary ireo olon-kendry tao an-dapany. Izay vao tsaroan'ilay mpitazona kapoaka i Josefa tany am-ponja. Nolazainy tamin'i Farao ny momba azy.



Nampantsoin'i Farao avy hatrany i Josefa. Hoy i Josefa tamin'i Farao: "Hafatra avy amin'Andriamanitra ny nofinao. Mandritra ny fito taona, ho betsaka dia betsaka ny vokatra eto Ejipta, ary hisy mosary mandritra ny fito taona ao aorian'izay."





"Aoka ary hiomana hanangona ny vokatra mandritra ny fito taona zina mba tsy ho fatin'ny hanoanana ny olona rehefa tonga ny mosary", hoy i Josefa tamin'i Farao. Ary hoy i Farao: "Miaraka aminao Andriamanitra. Ianao no aoka hiandraikitra an'i Ejipta, ary izaho irery no ho ambony noho ianao."



Tonga ny taona fito naha be vokatra, narahin'ny mosary fito taona. Sarotra ny nahita sakafo na taiza na taiza ankoatran'ny tany Ejipta satria efa nitahiriry sakafo betsaka izy ireo. Tany amin'ny tany niavin'i Josefa lavitra tany koa, tsy nanan-kohanina ny fianakaviany.




Nandeha nivity sakafo tany Ejipta ny olona avy tamin'ny firenena rehetra. Hoy i Jakoba naniraka ireo zananihany: "Tsy maintsy mandeha any Ejipta koa ianareo, raha tsy izay ho fatin'ny hanoanana eto isika." Niomana ny hivity sakafo ireto zanakalahiny



nony tonga tany Ejipta.



Niankohoka teo anatrehan'ilay olona manan-kaja mpitondra an'i Ejipta ny zanak'i Jakoba. Tsy fantany i Josefa rahalahiny. I Josefa kosa nefa nahafantatra azy ireo. Tadidin'i Josefa ilay nofiny fony mbola kely izy. Nasandratr'Andriamanitra ho ambony noho ireo rahalahiny izy.



Feno fahendrena i Josefa. Nanao teny mahery tamin'ireo rahalahiny izy ary nihazona an'i Simeona tany Ejipta.



Ary naniraka azy ireo izy nanao  
hoe: "Mitondrà sakafo, modia ary  
miverena aty miaraka amin'ny  
zandrinareo faralahy. Izay  
no hahafantarako fa tsy  
mpitsikilo  
ianareo."



Nieritreritra izy mirahalahy avy fa manasazy azy Andriamanitra noho ny nivarotan'izy ireo an'i Josefa ho andevo taona maro lasa izay.



Sadaikatra i Jakoba sy ny zanany. "Naveriny niaraka tamin'ny sakafo ny volanay. Nilaza koa ilay manam-pahefana fa tsy maintsy mitondra an'i Benjamina any izahay."





Tsy navelan'i Jakoba handeha anefa i Benjamina.  
Tsy naharitra ela dia lany ny sakafo. Nila  
niverina tany Ejipta indray izy  
mirahalahy avy. Niaraka  
tamin'izy ireo i Benjamina.



Naniraka ny mpanompony hanomana hanim-pitoloha i Josefa nony nahita an'i Benjamina. Noasainy izy mirahalahy avy. Nanontanian'i Josefa izy ireo hoe: "Mbola velona aina soa aman-tsara ve ny rainareo?" Mety nieritreritra ny fomba hampihaonana indray ny fianakaviany iray manontolo angamba izy.



Tian'i Josefa ho fantatra koa hoe tena nanenina ny fahotana nataony taloha be izay ve izy ireo.



Noendrikendrehan'i Josefa ho nangalatra ary izy ireo nony vita ilay fety.



Hoy Josefa tamin'izy ireo:  
"Hotazomiko ho andevo i  
Benjamina mba ho sazinareo."  
Nitalaho mafy i Jodà  
nanao hoe: "Ny aiko  
no aoka hotananao,  
tompoko".

Fantatr'i Josefa fa  
efa niova tanteraka i  
Jodà, izay nanome  
ny soso-kevitra  
hivarotra an'i Josefa.



Nirahin'i Josefa hivoaka ireo  
Ejiptianina rehetra teo fa tsy vitany  
intsony ny nanafina ny  
fitiavany ny  
fianakaviany.  
Avy eo izy  
nanomboka  
nitomany.



"Izaho ihany ity, Josefa, ilay  
namidinareo ho aty Ejipta."

Gaga sady natahotra ny  
rahalahiny, tsy  
nahateny na  
inona na inona.



Nankahery ny rahalahiny Josefa.

"Nataon' Andrimanitra

manam-pahefana  
aty Ejipta aho, mba  
hahafahako mamonjy ny  
ainareo mandritra izao  
mosary izao. Mandehana  
ary ento aty ny raiko.

Izaho

no hiahy  
anareo."



Nihaona tany Ejipta indray i  
Jakoba sy i Josefa ary

niara-nipetraka  
amim-piadanana sy  
nanana ambim-bava ny  
fianakaviany manontolo.





Nasandratr'Andriamanitra I Josefa, ilay Andevo

Tantaran'ny Tenin'Andriamanitra, ny Baiboly,

Tao amin'ny bokin'ny

Genesisy 39-45

"Ny fanambaràn'ny teninao dia manazava."

Salamo 119:130



Tapitra



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.

Raha te-hibebaka hiala amin'ny fahotanao ianao,  
dia izao no afaka lazainao amin'Andriamanitra:

Ry Andriamanitra ô, mino aho fa maty ho ahy Jesosy, ary velona Izy ankehitriny. Miangavy Anao aho, Tompo ô, midira ao amin'ny fiainako, ary mamelà ny heloko, mba hahazoako fiainan-baovao, ary ho avy ny andro handehanako eny Aminao ho mandrakizay. Ampio aho ho velona ao aminao, tahaka ny Zanakao. Amena.

Vakio ny Baiboly ary miresaha amin'Andriamanitra isan'andro!  
Jaona 3.16

